



Bosna i Hercegovina  
Federacija Bosne i Hercegovine  
Kanton Sarajevo - Grad Sarajevo  
**OPĆINA CENTAR SARAJEVO**  
**Općinski načelnik**

---

Na osnovu čl. 25. i 74. Statuta Općine Centar Sarajevo – prečišćen tekst («Službene novine Kantona Sarajevo», broj 23/04) i člana 4. Odluke o dodjeli sredstava iz granta za aktivizam mladih Općine Centar Sarajevo («Službene novine Kantona Sarajevo», broj 29/18) Općinski načelnik upućuje

## **JAVNI POZIV**

**za podršku aktivizma mladih iz sredstava Budžeta Općine Centar Sarajevo za 2019. godinu.**

### **1. PRAVO NA DODJELU NOVČANIH SREDSTAVA MOGU OSTVARITI:**

- a) Srednje škole i visokoškolske ustanove sa područja općine Centar Sarajevo;
- b) Udruženja studenata.

### **2. NAČIN DODJELE NOVČANIH SREDSTAVA**

Novčana sredstva za aktivizam dodjeljivat će se za finansiranje odlaska na ekskurzije, ljetne škole, studijska putovanja i slična putovanja/ skupove, a na osnovu potpisanog sporazuma sa Općinom Centar Sarajevo.

Podnosioci zahtjeva koji ostvare novčanu podršku obavezni su sa svojim radno sposobnim učenicima/ studentima učestvovati u ekološkim akcijama čišćenja javnih površina koje organizuje i provodi Služba za civilnu zaštitu i mjesne zajednice.

Iznos sredstava koji se može dodjeliti u jednoj godini iznosi:

- a) **do** 2.000,00 KM za putne troškove odlaska na ekskurziju za srednje škole;
- b) **do** 1.500,00 KM za studente za odlaske na takmičenja, ljetnju školu i slična putovanja.

Sredstva se neće izdvajati za troškove učešća i putovanja na stranačke treninge, konferencije i kampanje, niti bilo koje aktivnosti u i van Bosne i Hercegovine, a koje organizuje domaće i inostrane političke stranke.

### 3. POTREBNA DOKUMENTACIJA

Podnosioci zahtjeva na Javni poziv obavezni su uz zahtjev dostaviti slijedeće dokumente (original ili ovjerene kopije):

- a) Dokaz da je aktivnost planirana godišnjim planom i programom rada, a sve u skladu sa odredbama Pravilnika o organizaciji i realizaciji izleta, studijskih posjeta, ekskurzija, kompovanja/logorovanja, društveno/korisnog rada, škole u prirodi i drugih oblika odgojno-obrazovnog rada u osnovnoj i srednjoj školi („Službene novine Kantona Sarajevo“, broj 36/10 i 04/16); **ukoliko se sredstva traže za finansiranje ekskurzija.**
- b) Dokaz da u navedenoj aktivnosti učestvuje najmanje 60% od ukupnog broja učenika za koje se organizuju ekskurzije, **ako se sredstva traže za finansiranje ekskurzija.**
- c) Motivaciono pismo za učešće u aktivnosti: ljetnoj školi, takmičenju, studijska putovanja i slična putovanja/ skupove.

Zahtjev sa dokumentacijom se podnosi Službi za boračko-invalidsku, socijalnu zaštitu i društvene djelatnosti – Odsjek za društvene djelatnosti putem pošte ili na protokol Općine Centar Sarajevo ulica Mis Irbina 1.

Zahtjev se podnosi najmanje mjesec dana prije početka realizovane aktivnost koja se finansira i može se aplicirati samo jednom u toku kalendarske godine.

Za sve dodatne informacije zainteresovana lica mogu pozvati broj telefona 033/562 473.

Javni poziv će biti otvoren tokom cijele 2019. godine, odnosno do utroška sredstava za ovu namjenu.